

آبونه شرائطی

داخلی ، خارجی هریر ایچون
سنه لکی (۲۵۰) ، آلتی آیلق
(۱۳۰) غروشدور.

[نسخہ سی ۵ غروش ،
سنه لکی ۵۲ نسخہ در .]

اداره خانه

باب عالی جاده سنه دائره مخصوصه

اخطارات

آبونه بدلی پشیندر

مسلكه موافق آثار مع المنونیه
قبول اولنور . درج ایدله یین
یازیلر اعاده اولونماز .

الشیخ الاسلام

تشریف

دینی ، فلسفی ، علمی ، ادبی هفته لقی مجموعه اسلامیہ در

اخطارات

آدرس تبدیلنده آبرجه بش
غروش کوندر لیدر .

مکوبلرک امضاری واضح
واو قوناقلی اولسی و آبونه صره
نومروسی محتوی بولنسی لازمدر .

ممالک اجنبیه ایچون آبونه
اولانلرینک آدرس لریک فراسر .
جده یازلسی رجا اولنور .

پاره کوندر لیدیکی زمان نه یه دایر
اولدینک واضع آیلدی بولسی رجا
اولنور .

صاحب و مدیر مسئول
اشرف ادیب

باش محرر
محمد عاکف

والله یهدی من یشاء الی صراط مستقیم

اتبعون اهدکم سبیل الرشاد

عدد : ۳۸۱

۳۰ صفر ۱۳۳۷

پنجشنبه

۵ تشرین ثانی ۱۳۳۴

جلد ۱۵

اسرار قرآن

بسم الله الرحمن الرحيم

وبالآخره هم یوقنون .

ارکان تقوانک آلتنجیسی اولان «ایقان بالاخره» یه نقل کلام
ایده لم :

معلومدرکه ایقان ، اتقان علم یعنی برشینی شک وشبهه دن کلیاً
آزاده اولمق شرطیله بیلمک دیمکدر .

برآدم بویله قطعی و مجزوم برصورتده بیلیرسه که بتون افعال و حرکا-
تنده جناب حقه حساب و یرمک مجبوریتنددر ؛ اوتنده برکون وارکه
قلب سلیمدن بشقه نه مال ، نه اولاد و عیال هیچ برشینک کنندینه نفی
یوقدر ؛ ذاته طایدر کتاب اعمال وارکه کوچک ، بیولک و مراحل و حرکتی
همه حال قید ایتمکده در ؛ خلاصه امین اولورسه که ، انسانک بودار
تکلیف و امتحانده ماحصل اعمالی سینات اولورسه دار جزاده مقری
آتش جحیم ، حسنات قازانیرسه مأوای جاودانیسی دارنهم اوله جقدر ...
هیچ شبهه سز بواعتماد متین کنندینی موجب وبال اولان ایشلردن ،
خسران و هلاکه ، عذاب دائمی یه مؤدی یوللردن دائماً اجتنابه سائق
اولور .

عکس حالده طبعیدرکه معکوس نتیجه لر تولید ایدر . دان هی
الا حیاتنا الدنیا و ما نحن بمعمونین «حیات ، کچیردیکمز حیاتدر .
بزم ایچون آرتق بردها دیریلک یوقدر ، دییه رک دار آخرتی انکار
ایدنلر حسن سیرت وقوت عزمه صاحب اوله ماز ، هر خطوه لرند

برزله دن ، هر خاطره لرند برضالات فکریه دن قورتنه مازلرسه یری
واردر .

جناب حق قرآن کریمنده بزه قارشی امکان بعث ونشوری
اثبات ایچون برچوق تمثیلر کتیرمش ، نشئت اولی ایله نشئت ثانیه
آره سنده یری مقایسه و تشبیه لر یایمشدور . «کابدأ کم تعودون ،
«یاایها الناس انکنتم فی ریب من البعث فانما خلقناکم من تراب ، الی
اخرا لایه .

فن آشنا اولانلره خفی دکلدورکه جسم انسانی ، نباتی وعضوی
غذالردن متشکل بر ماده در . آلدینی مواد غذائییه ایسه تغذی ایدن
نبات و حیوانده متمثل اجزای معدنیه دن عبارتدرکه انتقال ایتدیکی
جسم انسانیده بالاستحاله انسان شکل و صورتی ا کتساب ایتشدور .
تاریخ طبیعی علما-نجه عمومیتله قبول ایدلش برحقیقتدرکه انسانک
جسمی صورت دائنده تحلیل ایتمکده ، فاصله سز اجزاسندن برقسه
غائب ایدرک یرینه اونستنده دیکرینی اقامه ایتمکده در . برصورتده که
اجسام ، هریدی سنه نهایتده بوسنه لرک مبدأنده طاشیمقده اولدینی
اجزائک کافه سی غائب ایدرک بسبتون یکی ذراتدن مترکب بولنمقده در .
تاریخ طبیعی کسابلرند برچوق فی دلائل ایله مثبت و مبرهن
اولان بونظریه علمای فن نزدنده حائز قطعیت اولدینی حالده دائماً
کوردیورزکه اولنر ، بتون ادوار حیاتنده انسانی ، اولاجنین حالده
بولنان ، صکره طوغوب نوزاد شکلی آلان ، صکره جوانلق چاغنه
کیره ، ده صکره وهن پیری یه دوچار اولان ، عاقبه الامر و حنک
انسلاخیله مزار قنایه کومولن انسان اعتبار ایدیورلر و اونک هریدی
سنده بریکی کسوه وجوده کیره مکده اوله سی بواعبار و تلقیرینه مانع
اوله میور . بونک حکمتی ندر ؟
چونکه حقیقت نقطه سندن عا که ایدیاییرسه انسان ، اطعمه

واشربه دن تکنون ایدرهك اجزاسی هرآن تحله ، دكیشوب یكیشمكه محكوم اولان ماده دن عبارت دكدر . طوغریدن طوغری به « انا = بن » کلمه سیله کوستریلن نفس ناطقه حقیقت انسانی بی تمیل ایتدده اولوب انسانی بشقه شیلردن تفریق وتمیز ایدن بالمله خواص اونفس ایله قائمدر .

بواساس تعین ایتدکدن صکره برکون موضوع بحث اولان خواص انسانیهك برکتله مادییه الباس وبتون مزایای اوکاسریان ایتدیرلیدیکی ؟ کتلهك ، اوخواصه مخصوص اولان شکل وقلبه افراغ ایدلیدیکی ؟ نهایت نفس ، که تصرف وانفعالاتك مرکز تعینی ، تعیر آخرله انسان دیدیکمز مخلوتك کندیدره ، اوخواص متشکله به اقتران ایتدیرلیدیکی دوشونولسون ، عجبا بو حادثات مرتبه بعث ونشوردن بشقه برشمیدر ؟

ایشته « ان کنتم فی ریب من البعث فانا خلقناکم من تراب » و دکا بدأکم تعودون » آیت کریمه لری بزه بو حقیقی اخطار ایتدکده درلر . انسانك نشئت ونمائی بحث ایتدیکمز قانون فطرت دائره سنده جریان ایدنجه فصل اولورده برانسان مواد ارضیه دن هر هانکی بر پارچهك مثلاً ، زید شکل وصورته تشکل ایتمه سنی ومتعاقباً زیدك احساس ، شعور ، وجدان وادراکنك منشأی وهیج اولمازسه شرط وجودی اولان روحی ، نفسی نفخ ایدیلرهك ماده متشکلهك اولجه بر یوزنده کزوب یوروین ، ذوق وصفا ایدن ، ضرر ویرن ، منفعتی طوقونان ، اطاعت وعصیان ایله امرار حیات ایله یین او فرد متعین اولمه سنی استبعاد ایدر ؟

خایر ، بوامکان مادی شوآیت جلیله ایله ده مؤیددر : « اولیس الذی خلق السموات والارض بقادر علی ان یخلق مثلهم بلی وهو الخلاق العلیم انما امره اذا اراد شیئاً ان یقول له کن فیکون فسبحان الذی بیده ملکوت کل شیئ » والیه ترجعون = کوکلی ، یرلری یارادان برذات اونلر کیسینی یاراتمه قادر دکلیدر ؟ های های ، خلاق علیم وصفی ایله متصف ایکن بو قدرت دائماً اونك النده در . او ، برشی مراد ایتدیکی زمان یا په جنی شی اوکا « کن » دیکدن عبارتدر . بوخطابك مظهری اولان شی درحال وجود بولور . نقصان محزون منزهدر او ذات که هرشی اونك قبضه تصرفنده در . سزکده مرجع وما بکز اونك بارگاه عظمتیدر .

بوآیت کریمه انسانك « من یحی العظام وهی رمیم = جورومش ، اون اوفاق اولمش اولان اوکیکلری کیم دیریلته جک ؟ » سوزینك جوابیدر . کوریلور که جناب حق آیتك اولنده خلقت کائناتی شاهد کتیرهك اعاده خلق مسئله سنك کنیدیسی ایچون برامریسیر اولدیغنی اثبات ایتدکدن صکره « بیده ملکوت کل شی والیه ترجعون » قول کریمه دعوی اقتدارینی معظم وخطیر بر نتیجه به ربط ایدیور . بوآیت کریمه ، سرد ایدیلن مثلث ایله بشقه برچوق ایتلرده کوریلان اعاده عین آره سنده هیچ بر منافات بو قدر . چونکه آنفاً

بسط ایدیلن مطالعاتدن آ کلاذک که بعث ونشور دیمك جزء مادهك ، فردك حیات دنیاده کی شکل وقلبه مطابق برطرزده تشکل ایتمه سی ، ماده متشکله به اونك ایلك حیاتنده کی روحی نفخ ایدلمکله برابر بتون خواصی او ماده ده متجمع بولنمه سیدر .

بشرك نائل بعث ونشور اولمه سنده ذهنلری شک وتردددن قور . ناره میان مادیونه بونك نه دیمك اولدیغنی بر درجه به قدر ایضاح ایچون سرد ایتدیکمز افادات کافیدر ظن ایدرم . بوايضاحاتدن هر حاله شوتیجه به دسترس اولنه بیلیر که انسانلرک قیامت کوننده نائل اوله . جقلری ثواب ایله چکچکلری عذابدن حقیقتده متأثر اوله جق اولان اونلرک روح ونفسلریدر . لذت والمك مرکزی ایسه روح ونفس اولوب اجسام برر واسطه دن عبارتدر . اجسام ، قوای حاسه دن بریله محسوس اولان اشیاده کی ملاذ وآلام ، که صانع حکیمك اونلره تودیع ایتمش اولدیغنی اوصاف وخواصك آثارندن عبارتدر ، ارواح وانفسه سرایت وانتقال ایتدیرمك وظیفه سیله مکلفدرلر .

فتح البیان صاحبی ده « اولیس الذی خلق السموات والارض بقادر علی ان یخلق مثلهم » آیت کریمه سنك تفسیرنده (جزء ۸ صفحه ۴۱) بو نقطه نظره تماس ایدرهك « آیتك معنایی ، یرلری ، کوکلی ، اونی بایان عظمتلریله برابر ، یاراتمه قادر اولان برذاتك ، جنه سی صغیر ، قوتی مرتبه نه یاده دون اولان بشرك اعاده خلقنه قدرتیاب اوله جنی بدیدر . مرکزنده در . » دیدکدن صکره « علی ان یخلق مثلهم » قول کریمه شهابك طرز توجیهی روایت ایدیور . شهاب ، بوقول کریمی « اولان او آدملرک مثلی یاراتمه قادر دکلیدر ؟ » طرزنده توجیه ایتدکدن صکره « مقصد اونلر و اونلرک امثالیدر . » قیدی علاوه ایتدکده در .

فقط مادام که اعاده اولنان شی صورت مادیجه اونلرک امثال واشباهیدر ، ومادام که نفس وروح اعتباریله اعاده اولنان آدملرینه او آدملردر ؟ آیتك سیاق وسباقه توافقی ایتیان بویله بر تکلفه هیچ احتیاج یوقدر .

ایشته ، متغیر عددینه داخل اولان مسلمانلر بعث ونشور کوننده اعاده حیات ایدم جکلرینه بویله اساسی ومتین محاکمه لره استناداً معتقد وجازم بولورلر ؟ حقوق الهیه ، نظام عالمك بقاسی بالخاصه صیانت ومحفوظیتنه وابسته اولان حقوق بشریه به بویله قوتلی ساقلرک الهامیله حرمت ودرایت ایدرلر .

خلاصه کلام ، آیت کریمه نظام کائناته اساس اولان عالم ، بشریتك سعادت وکامرانسی مقتضاسیله جمله وابسته بولنان دعائم و ارکان تقوایی سرد و بیان ایتدکدن صکره بونلرک مراعات احکامندن حاصل اوله جق دنیوی ، اخروی نتایجی بیان مقصیدیه :

« اولئک علی هدی من ربهم واولئک هم المفلحون »

بیوریور ، و دیمك ایتدیور که ، او زمرة متقین که کناه و وبالدن

ایدہ بیلیر . ایستہ بوملکتک اسلامدن اوزاقلاشمسینی ایجاب ایدن تکاملی کندیسینی ایچون مششوم اولمشدر . بو، غیرقابل انکار برحقیقت اولدقدن باشقه ایدنش اولدیغمز یکی قفانک براقدیغمز اسکی قفایه نسبتله یک آشاغی بولندیغنی اثبات ایدمک ال قطعی بردلیدر . واقعا بو آشاغیلنی یکی قفانک ایجابی قدر تکامله مساعده زمان بوله مادیغنه، یعنی کافی درجه ده اسلامدن اوزاقلاشمه مادیغنه عطف ایدن فکرلر یوق دکل . لیکن، شاید قبول ایتدیگمز مبادی و تالیقات ترک ایتدیگمز فائق ازلسه یدی بواضا قابل مدافعه اوله بیلیردی؛ عکس تقدیرده بو قابلیتدن محرومدر .

ایمدی براقتمده اولدیغمز اخلاق و اجتماعیات اسلامیه قبولنه چالیشدیغمز اخلاق و اجتماعیاته هرجهله غیرقابل اعتراض و نامتناهی برصورتده فائق بولندیغنی ایچون غریبلاشمق طرفدارلرینک ایلری سوردکری دعوی قیمتدن عاریدر . بناء علیه تکامل آتیزک حقمرده موجب سعادت اولسی ایچون خطیئات حاضره مزدن قورتولماز، یعنی بوندن بویله حقائق اسلامیه وسعمرک یتدیکی قدر صاربلقلمز ایجاب ایدیور . زیرا او حقیقتلرک فوقه چیقانی شویله طورسون ، یرینی طوته ییلنی بیله موجود و متصور دکلدرد .

ملتلرک تکاملنده اک مهم عامل متفکرلری ، عالملری ، منور طبقه لری ، برده افکار عمومیه یی سوق و اداره ایدنلری اولدیغنی ایچون جماعتی خیر و حقیقته موصل برطریق اوزرنده تکامل ایتدیرمک وظیفه سی کندیلرینه ترتب ایتک طبیعیدر . او حالده حقائق اسلامیه یی قیمتدن دوشوره جک و اونوتدیره جق برده بالعکس خلقه ایجه اوکرمک وظیفه سی عالملریمزه ، متفکرلریمزه ، منور طبقه لریمزه ، افکار عمومیه مزی سوق و اداره ایدنلریمزه دوشویور .

بونلرک اک برنجی وظیفه سی ده بوتون عرفان و ذکالری اسلامه عائد عقائدک ، اخلاقک ، اجتماعیاتک ماهیت حقیقیه سی ال مدلل ، اک واضح برصورتده تأسیسه حصر ایتکدن عبارتدرکه بودم شو صایدقلمیزی علمه یاقیشیر بر بیطرفلقه و عقل و حکمت دائره سندده اولق اوزره ایضاح و مقایسه ایدرک حقلمزده حکملر ویرمک و فرده اسلامی مبدألرندن نشأت ایدن اخلاقی ، اجتماعی ، سیاسی و طائفنک نهدن عبارت بولندیغنی اوکرمکله اولور .

ایمدی بزم سیاسی اولدیغنی قدر اجتماعی اولان حقوق و وظائفمک نهدن عبارت بولندیغنی بیلمه مز ایچون هرشیدن اول شوکا و قوفز ایجاب ایدرکه : جمعیت اسلامیه انسانلر آره سندده کی حریت ، عدالت ، تعاوضه مبادی حقیقیه سی اوزرینه استناد ایدر ؛ بناء علیه فردک بتون فعالیت اجتماعی و سیاسیه سی بو حریت ، بو عدالت ، بو تعاوضدن طوغان و اخلاقی ، روحانی ، اجتماعی ، سیاسی بوتون تکملی احتوا ایدن برغایه یه ممکن اولدیغنی قدر یاقلاشمق صورتنده تلخیص ایدیله بیلیر . شونی ده آکلامش اولق اقتضا ایدرکه : فرده بولندیغنی اداره سیاسیه یی قبول ایتدیرن کندی اداره اجتماعیه سیدر .

چکینیرلر ، طریق محارمدن نکول و انحراف ایدرلر ؛ غیبه ایمان ایتک ، نماز قیلمق ، جناب حقک ویردیکی رزقندن انفاق و کتب - السیه نك کافه سنه اینانق ، یوم آخره یقین بسله مک کی اسباب هدایت و فلاحه متمسک بولورلر ، اونلر اولئک علی هدی من رهم و اولئک هم المفلحون ، پایه بلندیغنی احراز ایتملردر .

معلومدرکه مفلح ، کندینه ظفر قاپیلری آچیلش اولان کسه دیمکدر . بو قیددن شو نتیجه جیقورکه جناب حق ره اتقایه سالک اولانلرک علماً و عملاً عهدلرینه ترتب ایدن وظیفه لری حقیقه ایفایه ساعی اولدقلمز بیان ایتدکدن صکره بویله بر حالک ویره جکی نتیجه مقصده ظفر یاب اولق ، بو مقصوده هدفه ، طوغری بولدن کیتمک و بو موفقیتک دنیاده عقباذه تأمین ایدمک چکی دائمی نعمتلردن استفاده ایلک اولدیغنی ایضاح بیوریور .

ترجمی : محمد شوکت

عبدالعزیز چاویش

اسلاملاشمق

— ۴ —

(مؤلفی : برنس سعید ملیم یاشا)

یوقاریده ، عثمانلیرک ایکنجی دفعه اوله رق اسلامدن اوزاقلاشمه لری صولک عصرک ایشیدر ، دیرکن شونی آکلامق ایسته مشدک که : بو حادثه نك کندیسینی ده محسوس ، ده مشهود بر حالده کوسترمی بودوره یه مصادف اولمشدر ؛ یوقسه بزم قاعتمز کوره حیات ملیه ده هیچ بر حادثه نك زمان حقیقیه سی تعیین قابل دکلدرد . چونکه ظهوری کورولن وقایع ، نه قدر مهم اولورسه اولسون ، دائماً اوزون زمانلردن بری باشلامش بر عملیه احضارک نتایجیدر .

بناء علیه بزم شیمدیکی اسلامدن اوزاقلاشمه مزده قبل الاسلام اولان عواملک تأثیریه مدت مدیده دن بری باشلامش و بر تکامل طبیعی نتیجه سی اوله رق شکل حاضرینی آلمش بولنان دیکر بر اسلامدن اوزاقلاشمه مزدن ایلری کلشدر . او حالده بوندن هانکی انسلاک مشمول طوتولماسی لازم کله جکی تعیین ایدیله مز . ذاتاً بزده بو حادثه دن طولای صورت خصوصیه ده نه بر شخصی ، نه ده بر نسلی اتهام ایدمک دکاز . شو قدر وارکه بو حادثه نك صولک عصرده کی تکاملیه مشغول اوله جق اولورسه ق بزم ایچون یک اهمیتلی بولندیغنی کورورز . چونکه کرک سقوط حاضریمزک ، کرک اوسقوطی حاضر لایان و دوامنه سبب اولان خطیئاتک ماهیتی حقیده کی فکرلرک اک کوزلنی ایدنش اولورز .

مادام که ملتلر اقیاله ده ، اضمحلاله ده متصل تکامل ایدرک و اصل اولیورلر ؛ برملنک تکاملی اونک سعادت قی موجب اولدیغنی کی فلاکتی ده انتاج